



Uunga siunnersuut: Namminersorlutik Oqartussat kommunillu inissiaataannik attartortittakkanik inissiatut imaluunniit illutut nammineq pigisatut tiguisarneq pillugu Inatsisartut peqqussutaata allangortinneqarneranik Inatsisartut inatsisaat nr. xx, xx. xxx 2017-imeersoq (Ilulissani, Aasianni, Sisimiuni, Nuummi aamma Qaqortumi Namminersorlutik Oqartussat ilaqutariinnut ataasiakkaanut illuutaannik aamma illuutaannik affarleriinnik ilaatitsinnginneq kiisalu tamakkiisumik akiliuteqarluni tiguisinnaanissamut periarfissaq)

(Kommuninut, Nunaqarfinnut, Isorliunerusunut, Attaveqaqatigiinnermut Ineqarnermullu Naalackersuisoq)

Naalackersuisunut ilaasortap Naalackersuisut sinnnerlugit aaliangiiffigisassatut siunnersuutaanut qulaani pineqartumut qujalluta, matumuuna Inuit Ataqatigiinniit imatut oqaaseqaateqassaagut.

Taamatut peqqussutip allangortinneqarnissaanut Naalackersuisut siunnersuuteqarnermini tunnga-vilersuutigaat Steen Lyngep ukiakkut 2016-mi ataatsimiinnermi aaliangiiffigisassatut siunnersuutigini kuusimasaa inatsisartunilu akuersissutigineqarsimasoq, Steen Lyngep imatut qulequtsersimavaa:

“Inatsisartunut aalajangiiffigisassatut siunnersuutigineqarpoq Naalackersuisut peqquneqassasut Inatsisartut peqqussutaata nr. 12, 19. November 2007-imeersup Namminersornerullutik Oqartussat kommunillu inissiaataannik attartortittakkanik inissiatut imaluunniit illutut nammineq pigisatut tiguisarneq pillugu, aalajangersakkat allangortinneqassasut ilaqutariit ataatsit illui tuniniaanermi akitinneqartut kisiisa atorlugit tiguneqarsinnaalersillugit.

Soq taamatut siunnersuuteqarnerminut tunngatillugu, tunngavilersuuteqarnermini Steen Lyngep ilaatigut ima allassimavoq:

“Tassa imaappoq, ullumi attartortoq illumik tigusinissaminut salliutinneqarluni periarfissaqartinneqarpoq, innuttaasut allat illumut pineqartumut neqeroornissaminnut periarfissaqannginnamik. Tamanna peqquteqarpoq, ullumikkut attartortup toqqaannartumik ini attartugartik tiguisinnaammassuk, illu tamanut ammasumik tuniniaqqaanngikkaluarlugu. inik attartukkat tunineqarnerinut atatillugu eqqasuutit “kammalaasersorluni aki atorlugu tunisaq” qimattariaqarpavut”!

Taama tulluanngitsumik salliutitsinerup saniatigut aamma peqqussut atuuttoq aamma naleqqutinngitsumik kinguneqarpoq, tassalu illu tunineqassammat tunisinermi akitut naliliisimaneq tunngavigalugu, tunisinermi akivia atorlugu”

Tassa imaappoq; naatsumik oqaatigalugu Steen Lyngep kissaatigaa peqqussutip allangortinneqarneratigut kikkunnulluunniit tamanut ammasumik neqeroortittisoqartalissasoq – tuniniaasoqartalissasoq, imaanngitsoq attartortunuinnaq taamaallaat neqeroortittisoqartassasoq, taassumalu saniatigut akit piviusut tunngavigalugit naliliisoqartalennissaa aamma anguniagassatut tikkuarsimallugu.

Tassa tamanna Steen Lyngep siunnersuuteqarnermini kissaatigisaa

Tassalu massakkut ugguuna allanngortissaatut siunnersuutaasoq aqputigalugu, peqqussutaasullu allanngortinneratigut Steen Lyngep kissaataaa piviusunnngortinneqalerpoq. piffissaq manna iluatsillugu pissusissamisoorara Steen Lynges pilluaqqussallugu siunnersuutigini kuusimasaata tassa maanna piviusunnngortinni arneqalernera pillugu.

Siunnersuutaasup ilaatigut makku kingunerissavai:

Illoqarfinni annerni pineqartuni tallimani ukunani; Ilulissani, Aasianni, Sisimiuni, Nuummi aamma Qaqortumi attartortumiit piginnittumut aqqissuussineq atorunnaassaaq. Attartortup ini attartukkani atorunnaarpagu pisortatigoortumik inissiaq pineqartoq tunini arneqartalissaaq. Attartortoq aamma neqeroortunut ilaasinnaavoq.

Kingunerissavaa ammanerusumik ingerlatsilerneq, unammilleqatigiinnerlu aqputigalugu akit piviu-sut tunngavigalugit niueqatigiinneq, kammalaatersornerunngitsorlu.

Taassuma saniatigut nunarput tamakkerlugu inissiamik 275.000,- ataallugu nalilimmik attartugaqarsimagaanni nalinganut akilerlugu piginnittunngorsinnaaneq aamma arneqarpoq. Nalinga ataatsikkut akilersinnaangikkaanni akilersuisinnaatitaaneq aamma arneqarpoq: Piumasaqaataavorli akilersuineq annerpaamik qaammatini 60-ni ingerlanneqassasoq, qaammammullu minnerpaamik 4.000kr-nik akiliisoqartarnissaa piumasaqaataalluni.

Siunnersuutaasoq anguniagaasorlu Inuit Ataqtigiit anguniagaannut siunertaanullu naleqqullu artu-ummat Inuit Ataqtigiinniit siunnersuut ajoriffissaqtinngilarput: Ammasumik ingerlatsineq, kik-kunnik tamanik periarfissiineq aammalu pissutsit piviusut tunngavigalugit akinik aaliangersaneq tassaapput Inuit Ataqtigiit siunertaat anguniagaallu.

Taamaattumik taamatut oqaaseqarluta Naalakkersuisut siunnersuutaat Inuit Ataqtigiinniit taparser-lugu ataatsimiisitaliamut susassaqtumut ingerlateqqinneqarnissaa akuersissutigaarput.

Qujanaq

Peter Olsen